

Ko e heigoa ha mautolu ne kua logona



Social Cohesion Guide

Tau talahauaga fakahiku ke he tau mena ne logona e mautolu he tutala atu ke he tau tagata he heagaapi hagaa ke he social cohesion (loto taha mo e kau fakalataha)

Ko e kumikumiaga he Royal Commission ke he matematekelea ne hoko ki Kalasiosi he aho 15 Masi 2019 kua moua ai e tau talahauaga ke fakatolomaki e mahani social cohesion i Aotearoa Niu Silani. Ko e taha vala he tau gahua ke taute e tau talahauaga na ke he mahani he social cohesion, kua fakatutala e Ministry of Social Development (MSD) ke he laulahi he tau tagata he tau heagaapi ke ati hake e taha fakatokatokaaga gahua ke fakatolomaki aki e social cohesion i Aotearoa Niu Silani. Ko e tau fakatutalaaga mo e tau tauteuteaga nai kua fakahoko ai he vahaloto he mahina Iulai 2021 mo e mahina ha Masi 2022. Kua talahau a lautolu he tau fonoaga nai ko e haha i ai falu lekua ke he social cohesion i Aoteroa Niu Silani mo e talahau ai e tau logonaaga ke he mahani filitagata mo e nakai tatai e tau fehagaiaga ha ko e ha lautolu a talahauaga ko e taane poke fifine, tau lotu, tau totouaga ke he tau manako taane poke manako fifine, tau matakavi ne nonofo ai mo e falu mena foki ne kua fekehekehe ai. Kua tokologa he tau tagata kua logona ke he tau mahani fili tagata ke he tau magaaho oti, mo e fakalahi atu ha lautolu a tau logonaaga ne kua kelea. Manako a lautolu ke eke e tau mena nei ne fekehekehe ai ke mahuiga mo e lilifu, ka e nakai ai fakatautonu poke eke noa ni mo taha mena noa.

Ko lauotolu he fonoaga ne kua fakatutala ke he vahaloto malolo he Te Tiriti o Waitangi (Treaty of Waitangi) mo e social cohesion. Kua kitia ai ke he Te Tiriti o Waitangi e aoga he tau fakaakoaga ke fakamalolo aki e social cohesion i Aotearoa Niu Silani, nakai ni mae tau Maui hokoia. Manako foki a lauotolu he fonoaga ke kitia loga e tau koloa mo e tau fatifatiaga tupe ke lata mae tau laliaga ke moua e social cohesion.

Kua fakatutala a lautolu he fonoaga ke moua e taha fakamaamaaga ke lata mae kupu 'social cohesion'. Muitua ke he tau manatu fakakite, kua fakamaama e social cohesion ko e mahani loto taha kua kitia ai: Ha kua moui olaola, kua lopoti mai mo e kua fakalilifu he tau tagata oti, tau magafaoa mo e tau heagaapi a lautolu oti i Aotearoa. Kua omoi fakalahi e lautolu he fonoaga ke lalafi atu e tau kupu 'belonging' (ko e taha he tau tagata), 'respect' (fakalilifu) mo e 'equity' (fetataiaki) ke he fakamaamaaga.

Kua fakatutala foki a lautolu he fonoaga ko e ono la e matakupu kua lata ke gahuahua ki ai a tautolu ke moua e social cohesion he tau tagata, kua fakamatapatu ke he tau kumikumiaga haggao ke he social cohesion. Muitua ke he tau manatu fakakite ne kua moua mai ia lautolu, ko e tau faahi ne ono ne kua fakafoou aki e

1. fili tagata po ke leveki fakakelea ha ko e ha lautolu a tau fekehekeheaki;
2. ko e tau feua mitaki ke lata mae tau matakau ne loga e tau fekehekeheaki ke tupu mo e moua e tau matutakiaga;
3. fakafetuiaga ke he tau gahua kua mahuiga;
4. moui olaola mo e tau mena kua vihu ai e moui tupu olaola;
5. lafilafi atu mo e fetufatufaaki he tau mena talahaua;
6. puipuiaga he kautu mo e takatakaimotu ke lata mae tau atuhau anoia.

Ko e fakatutalaaga he tau matakupu nai ne ono mo e kua mamafa lahi e tau ononoaga ki ai, ko e o lau tatai, tau malolo, tau matematekelea, tau falanakiaga, tau fekehekeheaki mo e tau totouaga ko e tagata. Talahau e lautolu kua fakafetui ki ai ko e igatia ni e tau matakupu nai ne ono mo e tau mena kua mahuiga ki ai ke moua e social cohesion. Ko e tau matakupu ia ne ono ne kua omoi ha kua lata tonu mae fakalaulahiaga he tau gahua he fakatufono kua fita he taute ke lagomataiaki e social cohesion i Aotearoa Niu Silani.

Kaеke ke huhū ko e fofoga fefē e tau gahua social cohesion, kua fakatutala a lautolu he fonoaga ke he tauteaga he taha fakafetuiaga ne logona ko ia ko e taha he tau tagata, fetatai e tau mahani fakalilifu mo e falanaki kua lata he tau tagata oti kana ke fakafetui fakalahi ki ai.

Ko e tau manatu fakakite nai kua hakahaka mo e fakaaoga ke talaga aki e taha potaaga social cohesion ke lagomatai mo e fuafua aki e fakaholoaga ke moua e social cohesion.

Ko e tau manatu fakakite ne moua mai he tau fakatutalaaga nai mo lautolu e tau tagata kehekehe ne kua talaga mo e fuafua ke holo mitaki e social cohesion i Aotearoa Niu Silani.

